

Headlines

1. उपराज्यपाल मनोज सिन्हा होंरें 29में राष्ट्रीय युवा उत्सव विकसित भारत युवा नेता संवाद-2026 लेई जम्मू-कश्मीर दे दल गी वर्चुअल ढंगे नै रवाना कीता।
2. मुख्मंत्रि उमर अब्दुल्ला होंरें कठुआ जिले दे विकास करने बारै इक व्यापक जायजा बैठक दी अध्यक्षता कीती, मंजूर परियोजनाएं गी तेजिया नै तोड़ चाढने दा निर्देश दित्ता।
3. केंद्री मंत्री डॉ. जितेंद्र सिंह होंरें दस्सेआ ऐ जे भद्रवाह च मथोला थमां सेओज धोड़ी तौले गै केबल कार गंडोला परियोजना शुरू होने जा'रदी ऐ।
4. ग्रेटर नोयडा च कल शुरू होआ'रदे 9में इंडस फूड एक्सपो 2026 च जम्मू-कश्मीर बी प्रमुखता कन्नै शिरकत करोगा।
5. जम्मू-कश्मीर दे ज्यादातर हिस्सें च औंदी 22 तरीक धोड़ी मौसम आमतौरा पर खुशक रौहने दे असार न।

<><><><><><>

LG Youth Festival

उपराज्यपाल मनोज सिन्हा होंर अज्ज जम्मू दे कन्वेंशन सेंटर च लगगे दे इक समारोह च 29में राष्ट्रीय युवा उत्सव- विकसित भारत युवा नेता संवाद 2026 लेई जम्मू-कश्मीर दे दल गी रवाना करने दे समारोह दी वर्चुअल ढंगे नै सदारत कीती। कार्यक्रम दौरान एल.जी होंर युवा दल दे मिम्बरें कन्नै गल्लबात कीती ते किट्टे गी सम्बोधित करदे होई आखेआ जे अपने जीवन दे शब्दकोश चा नामुमकिन शब्द गी सदा लेई हटाई देन ते 2047 तगर भारत गी इक विकसित मुख्य बनाने लेई पक्के धेइये कन्नै अपना योगदान देने लेई अगडे बधन। 10 कोला 12 जनवरी तगर नमीं दिल्ली दे भारत मंडपम च लगगने आहले इस उत्सव च जम्मू-कश्मीर दा नेतृत्व करने आहले दल च 63 मिम्बर जा करदे न। इनें प्रतिभागियें गी विकसित भारत चैलेंज ट्रैक ते सांस्कृतिक ट्रैक राएं चुनेया गया ऐ। युवा सशक्तिकरण गी समर्पित एह युवा उत्सव स्वामी विवेकानंद हुंदी जयंति दे सिलसिले च मनाया जन्दा ऐ।

<><><><><><>

CM-kathua

मुख्मंत्रि उमर अब्दुल्ला होंरें कठुआ जिले च जारी विकास कम्में दी समीक्षा लेई अज्ज इक व्यापक बैठक दी अध्यक्षता कीती जेहदे च उं'दी काविना दे मंत्री, सलाहकार, जिला विकास काउंसल दे अध्यक्ष ते मकामी विधायक बी शामिल होए। मुख्मंत्रि होंरें सभनें मैहकमें गी निर्देश दित्ता जे जिले लेई मंजूर परियोजनाएं गी समें सिर तोड़ चाढना यकीनी बनाने लेई कम्में दी रफ्तार च तेजी आंदी जा। उमर अब्दुल्ला होंरें बिजली-पानी दी स्थिति च सुधार आहने, सेहत ते शिक्षा क्षेत्र दे ढांचे गी निगार बनाने ते जिला सतह पर निगरानी गी पक्का करने पर जोर दित्ता तां जे हर विकास कम्म जकीनी सतह पर कीता जा ते कीते दा लब्भना बी लोड़चदा तां जे आम लोकें गी कुसै बी चाल्ली दी असुविधा जां दिक्कत-परेशानी दा सामना नेई करना पवै।

<><><><><><>

Bhaderwah-Gandola

भद्रवाह च सैलसु गी बढावा देने दे मकसद कन्नै उत्थै तौले गै मथोला कोला लेइयै सेयोग धार तगर केबल कार यानि गंडोला दी सुविधा उपलब्ध होने जा'रदी ऐ। इस बारै जानकारी कठुआ-उधमपुर-डोडा लोकसभा हल्के थमां सांसद ते प्रधानमंत्री हुं'दे दफ्तरै च राज्यमंत्री डॉ. जितेंद्र सिंह होंरें अपनी इक सोशल मीडिया पोस्ट पर दित्ती ऐ। उनें दस्सेआ जे नेशनल हाईवेज़ लॉजिस्टिक मैनेजमेंट लिमिटेड नै इस प्रोजेक्ट लेई निविदा यानि बोली मंगी भेजी दी ऐ, जेहदे मताबक इच्छुक कंपनियां जनवरी म्हीने दे खीरै धोड़ी एहदे लेई तफसीली प्रोजेक्ट रिपोर्ट भेजी सकदियां न जेहदे बाद चार म्हीने दे अंदर-अंदर प्रस्तावें दी जांच करियै एहदा कम्म शुरू करने लेई ठेका देई दित्ता जाहगा। डॉ. जितेंद्र सिंह होंरें आखेआ जे उत्थै गंडोले दी सुविधा उपलब्ध होने कन्नै इस इलाके च सैलसफा गी बड्डे पैमाने पर बढावा थहोग ते लौहका कश्मीर खोआने आहली भद्रवाह घाटी च सयाले ते सोए दौनें रूतै च सैलानिएं गी इक होला इक बह मन परचाने आहले नजारे दिक्खने दा मौका थहोग।

<><><><><><>

Tourism-Inflow

कश्मीर घाटी च सैलानिएं दी आमद च तेजिया कन्नै बाद्दा दर्ज कीता जा'रदा ऐ कीजे इत्थुआं होइयै जाने आहले सैलानी इस मौसमा च घाटी दी खूबसूरती गी बयान करियै होरनें गी बी इत्थे औने लेई प्रेरित करदे ना। केइएं सैलानिएं दा आखना ऐ कि दुनिया भरै दे सैलानी थाहें च बी कश्मीर घाटी दी अपनी पंछान ते आकर्षण ऐ टंगमर्ग कश द्रुंग थाह् ठंडर कारण अद्दा जम्मी चुके दा झरना बी इनें दिनें सैलानिएं लेई आकर्षण दा केंद्र बने दा ऐ ते बर्फू नै खटोए दे प्हाड़ स्यालू खेड्डू गतिविधिएं ते फोटू खिच्चने लेई बनकदियां थाह्णां ना। इक मकामी कारोबारी दा आखना ऐ जे इस सयाले सैलानिएं दी गिनतरी च बाद्दा होने नै सब्बै खुश न, कीजे उंदा कारोबार बध्धै करदा ऐ, आर्थिक गतिविधिएं च बाद्दा होआ ऐ, सैलानिएं दे रूपै च आवा करदे महमानें दा सुआगत करने दा उनेंगी मौका थ्होआ करदा ऐ। सैलानी बी इत्थै आइयै मती खुशी ते संदोख जाहर करा करदे ना।

<><><><><><>

JJM-Irregularities

जम्मू-कश्मीर च जल जीवन मिशन दे लागू होने च कथित अनियमितताएं दी जांच लेई गठित सदन समिति नै अज्ज उधमपुर जिले च जेजेएम योजनाएं दा मौके पर निरीक्षण कीता। साहडे जिला संवाददाता अचिन दुबे होरें एहू जानकारी दिती। अध्यक्ष हसनैन मसूदी हुं'दी अध्यक्षता च गठित समिति च केंद्री ते राज्य स्तर दे अधिकारी शामिल हे। समिति नै ग्रामीण जल आपूर्ति परियोजनाएं दी गुणवत्ता, समय पर पूर्ण होने, लागत अनुपालन ते सेवा वितरण दी जांच कीती। समिति नै टिकरी दी बेरिया पंचायत ते थिल ग्रांड दा दौरा कीता ते जल आपूर्ति योजनाएं दा निरीक्षण कीता। मिशन तैहत पारदर्शिता ते जवाबदेही यकीनी करने लेई डिजिटल निगरानी ते Standardized check list दा उपयोग कीता गेआ। आकाशवाणी न्यूज कन्नै गल्ल करदे होई जेजेएम पर सदन समिति दे अध्यक्ष न्यायमूर्ति हसनैन मसूदी होरें आखेआ

<><><><><><>

Indus Food Expo

खाने ते पीने सरबन्धी उत्पादें दा एशिया दे सभनें शा बड्डे मेले "इन्डस फूड" दा 9मां संस्करण कल्लै थमां शुरू होआ'रदा ऐ। 10 जनवरी तगर चलने आहले इस बपार मेले दा सरिस्ता ग्रेटर नोयडा स्थित इंडिया एकपोजीशन मार्ट च बपार गी बढ्ढावा देने सरबन्धी भारती परिषद TPCI आसेआ कीता जा'रदा ऐ जेहदा मकसद दुनिया भरै दे खरीदारें, सप्लायरें ते विक्रेताएं गी इक्के थाह्णै पर आहनना ऐ, जेहदे राएं कई नमें उत्पादें ते नवाचारें गी सारे सामनें रखने दा बी मौका थ्होगा। इस प्रदर्शनी च जम्मू-कश्मीर दे बपार-कारोबार गी बढ्ढावा देने सरबन्धी संगठन JKTPO दा बी इक बक्खरा पंडाल लग्गै करदा ऐ जित्थे इत्थूं दे खाद्य ते पेय उत्पादें गी दुनिया भरै दे कारोबारिएं ते खरीदारें सामने रखने दा मौका थ्होगा।

<><><><><><>

AIIMS Jammu

एम्स जम्मू नै इक महत्वपूर्ण उपलब्धि हासल कीती ऐ जिनै 1 ज्हार 856 करोड़ रपे दी परियोजना दा 100 फीसद भौतिक निर्माण पूरा करी लैता ऐ। एहू जम्मू-कश्मीर च स्वास्थ्य सेवा अवसंरचना गी मजबूत करने दी दिशा च एक क्रांतिकारी गैँड ऐ। प्रगति प्लेटार्मे दे सहयोग कन्नै प्रधानमंत्री हुंदे नेतृत्व च होई दी समीक्षाएं चजिमी ते उपयोगिता सरबन्धी प्रमुख मुद्दें गी हल करने च मदद कीती जिसलै जे केंद्र ते केंद्र शासित प्रदेश बश्कार मजबूत समन्वय नै परियोजना दे क्रियान्वयन च तेजी आंदी ऐ, समें पर इसी चालू करना यकीनी कीता। अधिकारियें दा आखना ऐ जे एहू संस्थान गुणवत्तापूर्ण स्वास्थ्य सेवा तोड़ी पुज्ज दा विस्तार करोग ते परिकल्पना गी साकार रूप देग। एम्स जम्मू इक ऐतिहासिक केंद्र बनाने दी मेद ऐ जेडा उन्नत चिकित्सा सेवा प्रदान करोग ते क्षेत्र च स्वास्थ्य सेवा मानकें गी बढ्ढावा देग।

<><><><><><>

Drug Abuse Committee

जम्मू-कश्मीर सरकार नै नशाखोरी पीड़ितें दे पुनर्वास लेई इक कार्यबल दा गठन कीता ऐ। सरकार ने स्वास्थ्य एवं चिकित्सा शिक्षा विभाग दे प्रशासनिक सचिव ते ग्रामीण विकास ते पंचायती राज विभाग दे प्रशासनिक सचिव होरेंगी कार्यबल दे सदस्य दे रूपै च शामिल करने दा निदेश दित्ता ऐ। इस गैँड दा मकसद नशाखोरी थमां प्रभावित लोकें गी सहायता ते पुनर्वास प्रदान करने दे प्रयासें गी मजबूत करना ते विभागें बश्कार समन्वय यकीनी करना ऐ। कार्यबल केंद्र शासित प्रदेश च पीड़ितें दी रोकथाम, उपचार ते सामाजिक पुर्नएकीकरण लेई प्रभावी रणनीतियें पर ध्यान केंद्रित करोग।

<><><><><><>

Weather

मौसम विभाग नैजानकारी दित्ती ऐ जे औंदी 22 जरवरी तगर जम्मू-कश्मीर दे मते सारे इलाकें च मौसम आम तौरा पर खुशक ते स्थिर रौहने दे असार न कीजे इस अवधि दरान आम तौरा पर मौसम च कुसै चाल्ली दे बड्डे बदलाव या हलचल दे कोई इमकान नेई ना। इस बारै होर जानकारी दिंदे होई मैहकमे दे डरैक्टर मुख्तार अहमद होरें दस्सेआ

<><><><><><>